



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. II. An statuto locali simul & pœnali locus sit extra territorium statuentis?

[urn:nbn:de:hbz:466:1-73001](#)

localis, in quo peregrinus existit, dum donat; idem est de Testamento, facto in favorem ejus, quem jure communi peregrinus instituere potest, licet in loco, ubi Peregrinus est, & testatur, vi statuti localis ejusmodi persona ex Testamento capere inhabilis sit; nam dispositio odiosa talis statuti localis non cadit directe in actus Peregrinorum in eo loco celebratos, si jure communi ab illis ceteroquin validè celebrari possint, ut dictum est præcedente num. excipi tamen debent contractus à peregrino celebrati cum Incola talis loci. Nam Incola contractus in proprio territorio aliter inire non possunt, nisi secundum statuta, & consuetudinem locorum quoad solennitates & formam inibi præscriptam; sic Bartolus in *L. i. C. de SS. Trinit. n. 32. Abbas in c. fin. b. t. n. 30.*

350. Dices contra conclusionem in n. 48. si quis per præceptum, vel sententiam sit inhabilis ad validè celebrandum aliquem actum, ad quem jure communi est habilis, non propterea validè celebrabit illum in loco peregrinus, ubi vi statuti localis abest talis inhabilitas; ergo si quis per statutum localem sui v. g. domicili sit inhabilis ad celebrandum aliquem actum, ad quem jure communi est habilis, non propterea celebrabit illum validè Peregrinus, ubi vi statuti localis abest talis inhabilitas; patet conseq. quia non minus tale statutum, quam præceptum directe tendit in personam; ergo sicut stante præcepto proprii superioris inhabilitante non tollitur inhabilitas per locale statutum, ubi quis Peregrinus est; sic nec per statutum locale, stante contrario statuto proprii domicilij Resp. N. conseq. Nam à præcepto, & sententia Judicis domicilii: ligante subditum etiam extra territorium, non recte arguitur ad statutum domicilii, ut pariter liget etiam extra territorium, & consequenter, sicut præceptum, sic etiam statutum proprii domicilii impedit favorem ex statuto loci, in quo quis Peregrinus est. Aliás Incola Dioecesis Salisburgensis, ubi festum S. Ruperti, est festum inducens obligationem audiendi missam, deberet eo die audire missam, esto existat in alia Dicecesi, ubi non est festum inducens obligationem audiendi missam, contra communem.

Ratio igitur discriminis est, quod præceptum Superioris, & sententia Judicis per

Tom. II.

se proximè, seu immediate, ac directe tendat in personas subditas non ratione loci, aut alterius circumstantiæ extrensecæ, sed ratione sui, ac eis quasi infixa censeatur, & committetur, ubicunq; sint; statutum autem locale, nec per se proximè, seu directe afficiat personas subditas ratione sui, sed per accidens, mediate, ac indirecte, ratione loci; ergo licet impediatur favor statuti localis in peregrino per præceptum & sententiam, cum hæc etiam ibi sint, ubi peregrinus est; non tamen impeditur per statutum domiciliare; quia hoc non est ibi, ubi peregrinus est. Ant. probatur: quia si statutum æquè directe, ac per se tenderet in personas subditas Judicii talis loci, non obligaret eos, qui primò post domicilium acquirunt in loco talis statuti; ergo solum ligat personas ratione loci, quatenus in illo sunt, ut constat ex juribus allatis *cit. loc. lib. i.*

2. II.

An statuto locali simul & pœnali locus sit extra territorium statuentis?

A Nte resolut. notandum ex *dict. l. i. à n. 584.* pœnam à statuto locali decretam non incurri propter actum, vel omissionem exercitam ab existente extra territorium statuentis contra statutum locale, nisi talis actus, vel omissione cedat in speciale damnum territorii, contra cuius statutum exercetur, ut dictum est ibid. n. 590. quibus prænotatis: loquendo primum de præcepto, vel pœnali sententia Judicis, dicendum, quod Judex regulariter non possit eam extra, vel ultra territorium extendere per executionem in alieno; cuius ratio sumitur ex allatis juribus loc. cit. & hic n. 343. excipe tamen. 1. nisi hoc fiat de consensu Judicis, qui est in eo territorio, vel eidem puniendum committat; 2. nisi pœna sit à lege communi utriquè Judicii; eo enim casu Judex territorii B. tenetur exequi sententiam latam à Judice A. si ad Territorium Judicis B. dirigatur, idque imperio legis, non autem alterius Judicis, ut colligitur ex c. *Presbyter, 12. disf. 81.* ubi lege decernitur depositio Presbytero, vel Diacono in perjuria, fornicatione, vel furto deprehensio.

Hoc

Hoc confirmari potest ex ampliori resolut. quæ habetur in c. *Postulasti*, 14. h. t. ubi Pontifex Innocentius III. retribens Episcopo Senicensi, postulasti, inquit, per Sedem Apostolicam edoceri, utrum Sacerdos habens Ecclesiam in una Diœcesi, & residens in eadem, domicilium vero, patrimonii ratione, in alia, ibi delinquens, ab eo, in cuius Diœcesi habet patrimonium, pro delicto ibidem commisso debeat judicari, præsertim in causis, quæ officiū sui, seu beneficii privationem exposcent? cui breviter respondet: quod per Episcopum, in cuius Diœcesi deliquerit, sententia promulgari poterit in eundem; Sed ab eo, in cuius Diœcesi beneficium obtinet, erit quoad illud executio facienda.

352. Ex hac enim decisione deducitur. 1. Clericum delinquentem in alia Diœcesi, puniri posse ab Episcopo ejusdem loci; non posse tamen sententiam pœnæ inflativam extendere ultrâ suum territorium, ut alibi executionem habeat, v. g. ut ibi virgis cædatur, in exilio moretur, &c. nisi alter Judex, ad cuius locum sententia dirigitur, requisitus, sententiā exequi paratus sit, vel pœna decretā sit per legem utriquè communē; aut naturā suā officiat absolulē personam, sive ordine ad locum, ut excommunicatio. Ratio hujus est, quia Judex extrâ territorium non potest exercere actum jurisdictionis ex n. 343. sed executio sententiæ est actus jurisdictionis; ergo.

353. Deducitur. 2. quod, si Episcopus per sententiam, non ex legis præscripto, sed propter hominis contumaciam, proprio motu suspensionem inferat Clerico à beneficiis, sententia ejus non extendat se ad beneficium, quod Reus habet in altera Diœcesi; sic Felinus in dict. c. *postulasti*, n. 4. quia sic jurisdictionem exerceret extra suum territorium. Hinc, si talis Clericus habeat duo beneficia, unum in loco Episcopi, qui per sententiam eum suspectit à beneficiis; alterum, extra illius sententiaz non est suspensus à beneficio sive extra territorium suspendentis; cum constet ex c. *se Compromissarius*, 37. de elect. in 6. quod possit quis contrahere privationem, vel suspensionem à beneficiis unius Ecclesiæ, & non alterius.

354. Deducitur. 3. aliud esse, quod subditus etiam existens extra territorium delin-

quat, transgrediendo præceptum pœnæ le legitimi Judicis, ponendo actum oppositum etiam extra territorium; aliud, quod Judex pœnam, eo præcepto statutam, exequi valeat extra suum territorium; primum conceditur, cum præceptum liget subditum existentem etiam extra territorium præcipientis, juxta l. i. tit. 2. at secundum negatur ex n. 350. intellige tamen juxta limitationes ibique; si tamen pœna, quam Judex delicti infligit, quæ subjectum dispositione juris reddit simpliciter inhabile v. g. ad retinendum aliquod beneficium, eo ipso per connexionem privaretur omnibus. Hæc de pœnis, quæ per sententiam decretæ sunt, vel transgressione præceptorum incurruunt, aut ejus causa infligendæ sunt.

Loquendo autem de pœnis per statuta locorum decretis, dicendum, eas non incurri à subditis, quando extra territorium statuentis committunt positionem; vel omissionem actus oppositam statuto; cuius ratio est, quia statuta localia non ligant subditos existentes extra territorium statuentis ex l. i. tit. 2. à n. 584. & hic n. 340. ergo positio, vel omissione actus posita extra territorium statuentis non habet rationem culpæ contra tale statutum; ubi autem non est culpa contra aliquam pœnalem legem, ibi nec est incursum pœnæ per eam transgressoribus decretæ. Hæc porto intellige juxta id, quod notavimus n. 350. himitum, nisi positio, vel omissione actus redundet in *speciale* damnum, vel injuriam territorii.

ARTICULUS V.

De Privilegio fori.

Privilegium fori, quo communī Dō^r 356^l storum consensione gaudenti Clerici, consistit iti eorum exemptione à jurisdictione seculari tam in criminalibus, quam civilibus, non tantum quoad personas ipsorum, sed etiam res, & bona. Competere Clericis talēm exemptionē jure non tantum Ecclesiastico, sed etiam civili, imo & divino saltem tradito, & per Ecclesiam, ex Dei ordinatione explicato, late ostendimus l. i. à n. 640. & hic à n. 66. & 320. his præmissis:

§. I.